

HITZ BITAN

SRI LANKA

Etixeratze agindua eman du gobernuak, bozketa egunean gutxienez 17 hildako izan ondoren

Etixeratze agindua ezarri zuen atzo Sri Lankako Gobernuak hauteskundeetan izandako borroken ondorioz. Hauteskunde kanpainak iraun duen bitartean guztira 56 lagun hil dira —horietatik 17 atzo bertan—. Kanpaina hau Sri Lankako historiako bortitzena izan da, adituen arabera. Alderdi nagusiek botoemaileak beldurraztea leporatu diote elkarri.

FILIPINAK

Talde gerrillari guztiekin negoziatzeko prest da Mindanaoko buruzagia

Musiln Mindanaoko Filipinetako Lurralde Autonomoko gobernadore berria talde gerrillari guztiekin negoziatzeko prest agertu zen atzo. Filipinetako auzia elkarriketaren bidez konpontzeko asmoa zuela esan zuen atzo Nur Misuarien ordezkioak, eta horretarako Abu Sayyaf gerrillari taldeko ordezkariekin biltzeko prest dagoela gaineratu zuen.

MAZEDONIA. Beste 77 preso askatzeko proposamenak aztertzeke daude

Hamaika gerrillari albaniarri amnistia eman die gobernuak, bake akordioan adostuari jarraiki

Agentziak | PARIS

Mazedoniako UCK Askapen Nazionalerako Armadako hamaika gerrillari aske gelditzekoak ziren atzo, Boris Trajkovski presidenteak amnistia eman ondoren. Skopjeko gobernuak adostu zuen bake planaren barruan jasotzen zen gerrillariei amnistia ematea. Ixhet Memeti Justizia ministroak duela egun batzuk 88 kideri amnistia emateko aurkeztutako zerrenda baten parte ziren aske utzitakoak.

Urrian erabaki zuen Skopjek gerrillariei amnistia ematea, baina bi baldintza ezarri zituen horretarako: Nazio Batuen Erakundearen gerra krimenetarako auzitegiaren akusaziopean ez egotea, eta NATOk UCKren armak biltzeko egindako operazioan armak borondatez utzi izana. Orain 77 amnistia proposamen aztertzeke bidean dira, eta datozen egunetan gerrillari gehiago askatuko dituztela espero da.

«Bakarrik lehenengo barkamenak dira hauek. Amnistia prozesuak aurrera jarraituko



ANJA NIEDRINGHAUS / EPA

Mazedoniako UCKko talde bat, armak entregatzera bidean.

du», adierazi zuen Boris Trajkovski presidentearen bozemaile Dimka Ilkova Boskovic, atzo.

Arazoak

Bake akordioa sinatu zenetik hainbat arazo sortu dira Legebiltzarrak joan den hilean onespina eman bitartean, eta amnis-

tia indarrean ezarriko ez zen beldur ziren buruzagi albaniarrek.

Jugoslavia Ohirako Hagako Nazioarteko Auzitegi Penalak ikerketa bat abian jarri du urtarrian gatazka hasi zenetik borrokan aritu diren UCKko kideen eta segurtasun indarren us-tezko gerra krimenen inguruan.


ALEMANIA

Berlinen PDSko komunista ohiekin koalizioa egitea aztertzen ari da SPD

Gerhard Schroeder Alemaniako kantzilerraren SPD Alderdi Sozialdemokratak ezin izan du Berlinen koalizioa osatu liberekin eta Berdeekin. Hala, PDS Sozialismo Demokratikoaren Alderdiarekin —komunista ohia— negoziatzen hasi zen atzo.

Hiriburuaren aurrekontuetan sortu zen 40 bilioi euroko (6.655 bilioi pezeta; 266 bilioi libera) zorrrangatik hautsi zen abuztuaren SPDk Batasun Kristau Demokratarekin zuen koalizioa. Hauteskundeak aurreratu behar izan zituzten, eta Schroederren alderdiak gehiengoa lortu zuen; botoen %29,7. Hasi-eran, gobernu Sozialismo Demokratikoaren Alderdiarekin osatzea pentsatu zuten, baina hautesleek liberekin eta berdeekin agintzea nahia- go zutela argudiatu zuen Klaus Wowereit alkateak.

Orain, aldiz, PDSrekin akordioa lortzen saiatuko da bere alderdia.



Txuma Murugarren

“Hegazkinen Arima”
disco berriaren aurkezpena

Durangoko San Agustin Kulturgunean
abenduak 6, osteguna, 21:30ean

Antzerkiola Imaginarioak aurkeztutako ekitaldia

antolatzailea



babeslea



laguntzaileak

bbk

Euskal

Egunkaria

DURANGO